

335/2

LUGANDA

Paper 2

JAN./FEB.2021

2 hours



KAMSSA JOINT MOCK EXAMINATIONS

Uganda Certificate of Education

LUGANDA

(Okusoma bwino, eby'obuwangwa ne litulica)

Olupapula Olwokubiri

Essaawa Bbiri ne kitundu

Ebigobererwa:

- Olupapula luno lulimu ebitundu bibiri A, B ne C.
- Ddamu ebibuuzo bitano awamu.
- Ddamu ebibuuzo byonna mu kitundu A ne B.
- Mu kitundu C ddamu ebibuuzo bisatu (3) byokka.

EKITUNDU A

Ddamu ebibuuzo byona.

1. Soma ekitundu kino n’oluvannyuma oddemu ebibuuzo ku nkomerero yaakyo.

Mu lugendo lwaffe okudda eka, twasiyaggukira mu musono omulungi, ogwenjawulo era ogwegombebwanga buli omu. Amaka gaffe si geego agegombebwanga ennyo olw’endabika yaago nga bw’olaba amaka amalala agaalinga ku kyalo kyaffe. Omanyi nze ne kaffekye wange amaka ago twali twagagabana mu ngeri etali ya bulijjo naye nga munnange yasinza obuvunaanyizibwa ku go. Omanyi nze nalinga Nnankulu mu maka ago naye nga ogwange gwa bwakalabaalaba eri ebigenda mu maaso mu makaago.

Nga bwe bagamba nti teri bukulu butava eri Katonda, ne bwetwabanga tutambula, nansiisi w’omuntu yafuba nga nnyo okugoberera obuufu bwange era buli. muntu yenyumirizanga nnyo mu byenkola. Nolwekyo buli kadde neebaza nnyo omutonzi eyantonda mu ngeri esikiriza buli muntu okubeera nange era newataba wadde omu eyeevuma okunsisinkana. Embeera eno endeetera okwenyumiriza mw’ekyo kyendi naye era seerabira kusaba mutonzi kuneekesa kufuna malala.

Mu kutambulanga ne bannange mu buli lugendo kyannymba okwongera okukakasa eggombo egamba nti atambula yekka atuuka mangu naye ate atambula ne banne atuuka wala. Mu ntambula zaffe zonna tewali buzibu wadde okusoomooza okwatwolekera **netutakwanjhangira** wamu. Olaba ne bweyabanga nkuba nga tugeggamira wamu awatali kubuna miwabo! Kino kyandeetera okwogera okwekkirizaamu mu buli kimu wamu n’okwebazanga **Kawamigero** buli lukedde.

Kyesigenda kwerabira era kyesaagala naawe okisubwe, ke kadde ffenna awamu ke twawanga ng’aboluganda mu lugendo ne twewonga eri Gguluddene. Omanyi ffenna awamu twenyumirizanga nnyo mu Katonda, olwokuba yeeyatuteekawo ng’atuggya mu butabaawo. Ekyamazima kiri nti bisatu bya kuna ebyokwagala kwaffe ffenna awamu twakkiriziganya , bukuyege tubirekere Nnyinibyonna. Nga akabonero mu ssanyu n’amaanyi awatali kwetemamu.

Mu bingi byetwakolera mu ggendo zaffe kwekwewala olugero lw’Abaganda olugamba nti eyawukana ku mugendo yefuuka kaasa. Twewalanga nnyo okwelyamu enkwe, okwebega, okugeyaggana okunyoomagana saako n’okwerumaaluma ng’obwana bw’enjala. Kino kyatusobozesa okutaasagana mu biseera ebya kazigizigi wamu n’okwesuula omukono mu budde obw’okuluma obujiji.

Ku ffenna abasiyaggusi, sikakasa era sirowooza nti waliwo **omusiyaggusi** ayinza okuba ng’asobola okwerabira ekifo ekiyitibwa Ndikuttamadda. Mu kifo kino we tetwasinga okulumira obujiji n’okwevuma ensi kuba akanyoolagano akaali awo kaaleka bangi ku bannaffe tebakateganya bafumbi. Okutuuka mu Kifo ekyo ,twali tusigaza emitala mibale okutuuka ku butaka bwaffe gyetwali tumaze ebbanga nga tetudda olw’eggendo ezitasalako ze twabeerangamu. Nnga tuli wamu nga ge bagamba agaluma ennyama, twali tutandise okukooloby ennyimba ez’obuwanguzi saako n’okuteekateeka .emboozi ezo kunyumiza abeewaffe anti naawe okimanyi nti okutambula kulaba okudda kunyumya.

Nga bwe baalutuusa nti kyotonalya tokyesunga, laba bwetugwa mu balabe betwali tuteetegekedde so nga bo baali balina omulabe gwe baali balinda era nga bali bulindaala okumwanganga. Ekyekango nge bwekitamanya muzira, abampembe bano batubunya emiwabo era ne batusuulamu emiruli egiwera. Engeri gye twatuuka mu kifo ekyo nga

bukunidde tebaasobola kumanya nti si ffe mulabe gwe baali balindiridde era nti ffe batulanga bwemage bwe balanga enjobe mu lusa. Naye olw'okuba twali bukuyege, twafunvubira okukakkana ng'abasajja tubalinnye ku nfeete naye nga baaba baaleka batukoze ogwa walugali naye nabo nno baatuwuliramu omusera anti akugoba takutadde tabula kya kusuuza.....

(Bisimbuddwa okuva mu A.R. Mulindwa: Olugero lw'obulamu)

Ebibuuzo:

- (a) Ng'osinziira ku kitundu kyosomye, laga engeri omuwandiisi gy'akakasa nti olugendo lw'obulamu lulimu obuwonvu n'obukko. (obubonero 05)
- (b) Laga engeri obumu n'okwesiga Katonda gyebisobola okutuusa omuntu ku buwanguzi mu bulamu bwe. (obubonero 06)
- (c) Nkolayo engero ssatu (3) okuva kw'ezo ezeeyambisiddwa mu mboozi gy'osomye olage ebyokuyiga ebirimu nga osinziira ku biri mu mboozi eno. (obubonero 06)
- (d) Nnyonnyola amakulu g'ebigambo bino nga bwe bikozeeddwa mu kitundu kino. (obubonero 03)

Netutakwakwaggangi
ra Kawamigero
Omusiyaggusi

- (e) Nnyonnyola obukulu bw'obukulembeze mu bantu abali awamu. (obubonero 02)

Okuva ku f - h londako ekisinga obutuufu.

(obubonero 03)

- (f) Omunyumya agamba okuba obumu, okwewala okunyoomaga n'okwerumaaluma ng'obwana bw'enjala kyabayamba ki?
 - (i) okutuuka amangu ewaabwe
 - (ii) okutenderezanga Gguluddene
 - (iii) okutaasagana mu biseera ebya kazigizigi
 - (iv) okugobererwa nasiisi w'omuntu.
- (g) Nsonga ki ereetera omunyumya ne beyali nabo obuteerabira kifo ndikuttamadde?
 - (i) webaafunira essanyu lyebatalootanga
 - (ii) webaasinga okulumira obujiji n'okwevuma ensi
 - (iii) webaayimbira ennyimba z'okwekulisa eggendo
 - (iv) webaatuukira ewaabwe gyebasibuka
- (h) Olutalo kafungulankette e Ndikuttamadda lwaku ku nsonga nnyingi naye enkulu yali ya:
 - (i) kutuuka mu kifo ekyo nga tebasobola ku nti si ffe mulabe.
 - (ii) twali balabe nabalabe okumala ebyeya n'ebisiibo
 - (iii) Kuba nti baali bulindaala okutwagganga nga tutuuse
 - (iv) Kutuuka mu kifo ekyo nga twesunga okwanirizibwa mu ssanyu ewaffe.

EKITUNDU B
Ddamu 2(a) ne 2(b)

2. (a) Maliriza engero zino nga bwe zoogererbwa.(obubonero 10)
- (i) Gwe kitaliiridde nnyina,
 - (ii) Ataalukutambulire,
 - (iii) Koonooweeka,
 - (iv) Akatali kabbe,
 - (v) Obwanninyoomu si Luganda,
 - (vi), teguzza nvuma.
 - (vii), etoba kumakya ekala lwaggulo.
 - (viii), tetumanya alirira nnyina.
 - (ix) y'amma omufu olubugo.
 - (x), ganywebwa wa mwogo.
- (b) Nnynnyola amakulu g'engero zino ag'omunda. (obubonero 05)
- (i) Oluyitaayita lukira oluliira ku nkoligo.
 - (ii) Kamwa kabi kassa siloganga.
 - (iii) Akuddira mu luyimba taluwoomya.
 - (iv) Olidde ggi kwesubya muwuula.
 - (v) Olusala ekyayi lulekera munyeera kwanjala.

EKITUNDU C

Ddamu ebibuuzo bisatu (3) byokka ng'obiggya mu butabo obwenjawulo nga akamu ka bitontome

SSALIDAMASCUS:Obuwoomi bw'eekitontome

3. (a) Soma ekitontome kino oluvannyuma oddemu ebibuuzo kunkomerero yaakyo.

OMUBUULO

Natuukayo mu ggwango,
Ne nnyumirwa bya nsusso,
Ebyambalo byali omwo,
Ebyokunywa nga biri eyo.

Bwe twagguka mu kisaawe,
Watundirwa amandaazi,
Ne lukoya wamma ggwe,
Ne tugalya amangu ago.
Bwe wagiranga bw'oti,
Kulengera nga ssaati,
Okwewulunta erudda,
Ow'empale ng'agguse.

Ekyanyuma ne kisukka,
Bugologoosi efaafa,
Nga bwazina bannange,
Nasanyuka ne nsukka.

Ebivuga eby'enjawulo,
Obisanga mu mubuulo,
Amadinda n'engalabi,
Emirere n'embuutu.

Bayimbira eby'ettunzi,
N'owulira ng'osanyuse,
Baaniriza nnyo abaguzi,
Basala ne ku bbeeyi.

Abakazi ab'ebbeeyi,
Obukazi obwa layisi,
Agasajja ag'amaanyi,
Obusajja nkyoloolo.

Basuubula eby'amaguzi,
Basuubuza bannaabwe,
Oyitangako mu mubuulo,
N'ogulayo ku nkejje.

Ebibuuzo:

- | | | |
|-------|---|----------------|
| (i) | Ekitontome kizimbiddwa kitya? | (Obubonero 05) |
| (ii) | Bintu ki ebifudde ky'osomye ekitontome? | (Obubonero 05) |
| (iii) | Nnyonnyola ku lulimi olukozeseddwa mu kitontome | (Obubonero 05) |
| (iv) | Amaloboozi gazimbiddwa gaty'a mu kitontome? | (Obubonero 05) |

oba

3. (b) Weeyambise ebyokulabirako okuva mu bitontome ebyenjawulo mu buwoomi
bw'ekitontome onnyonnyole omusomi by'ayiga okuva mu bitontome ebyo. (Obubonero 20)

NAMAGANDA ALICE JANE:Ebitontome ebiseeneekerevu

4.a Soma ekitontome kino n'oluvannyuma oddemu ebibuuzo ku nkomerero yaakyo.

OKULYA DDAGALA

Okulya ddagala

Bye tulya ddagala

Bwe tulya tulye mugaso

Endya y'abato ya njawulo
Muto by'omuwa y'enjawulo
Ehimukuza ng'asanyuka
Nyiikira ofubeng'oyonsa
Ebbeere limuwe mu ssaawa.

Okulya ddagala

Bye tulya ddagala

Bwe tulya tulye mugaso

Osaana n'omuwa ku bibala
Enva za wano ezo endiirwa
Enkejje toyosa ky'amaanyi
Awuute ku ssupu ekyennyanya
Emmere y'empeke n'obuugi
Amata amakwafu anywe okwo

Okulya ddagala
Bye tulya ddagala
Bwe tulya tulye mugaso

Lumu kamulayo ku jjuyisi
Ng'alimu ebirungi nfaafa
Miyembe n'obutunda mmeromi

N'amazzi g'omuwa nga mayonjo
N'obitegeka nga biyonjo
Kisingako ommuwa obwebindu

Okulya ddagala
Bye tulya ddagala
Bwe tulya tulye mugaso

Essanyu lye kulya ng'asanyuka
Omukwano gw'omuzadde ddagala
N;omuyimbira ku nnyimba
N'asagambiza ng'aateese
N'obuyonjo bwe obwomubiri
Bye bimukuza mu butuufu.

Okulya ddagala
Bye tulya ddagala
Bwe tulya tulye mugaso

Ebibuuzo :

- | | | |
|------|---|----------------|
| I. | Ani atontoma mu kitontome kino? | (Obubonero 02) |
| II. | Omutontomi ali mu mbeera ki era lwaki? | (Obubonero 06) |
| III. | Nnyonnyola ku ntunnunsi eziri mu kitontome. | (Obubonero 02) |
| IV. | Lulimi ki olukozeseddwa mu kitontome? | (Obubonero 04) |
| V. | Ekitontome kizimbiddwa kitya? | (Obubonero 06) |

oba

4. (b) Omuwandiisi we ebitontome ebiseeneekerevu atulabula okwegendereza ebintu eby'enjawulo. Kakasa kino nga weesigama ku bitontome ebyenjawulo ebiri mu katabo. (Obubonero 20)
- Amaggwa n'emitego mu buvubuka:*** RUTH .N.KABOGGOZA

5. (a) “.....nze maama nabigonza. Maama ng’atali muwala! Nze ntuula butuuzi nga ndagira, nga baleeta. Nze nagaana okulwala mmongoota”
- I. Ebigambo ebyo bisimbuddwa mu suula ki? (Obubonero 02)
- II. Ani ayogera ebigambo ebyo era abagamba ani? (Obubonero 02)
- III. Biki ebigwawo okusooka ebigambo ebyo biryoke byogerwe? (Obubonero 05)
- IV. Bintu ki kaboggoza by’atulaga ebituuka ku batonde be abataagala kulwala mmongoota? (Obubonero 11)

Oba

- (b) Obulamu bw’abantu ba Kaboggoza bujjudde ennaku. kakasa ensonga eyo n’ebyokulabirako eby’ejawulo. (Obubonero 20)

Nze mbimaze: PRISCA NAKITTO

6. (a) Omuwandiisi Nakitto obukugu bwe mu kuwandiika emizannyo bweyolekedde butya mu muzannyo nze mbimaze? (Obubonero 20)

Oba

- (b). Omuwandiisi Nakitto amanyi obulamu mwe tuwangaalira. Kkaanya n’endowooza eyo. (Obubonero 20)

Mbayiwa owa bayizi: WAALABYEKIMAGOBA

- 7 (a) Obuyiia bwa Waalabyeki Magoba bweyolekedde butya mu lugero lwe Mbayiwa? (Obubonero 20)

Oba

- (b) Okwagala ebyamasanyu ye nsibuko y’okugwa kwa Mbayiwa. Kubaganya ebirowoozo. (Obubonero 20)

BIKOMYE WANO

